



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Dresdae.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

*Quaę patet vetus in planis Libanotria campis,  
 Et qua mundano flumine Ptisna lavat.  
 Frater erat Fridericus idem Marvortius heros:  
 Pro patria mecum praelia dira subit.  
 Nam superare datum est nobis victricibus armis  
 Bohemia populos, Saxoniaę duces.  
 Marchio de Brenburgk Waldemar nomine dictus,  
 Agmine devictus vincula nostra tulit.  
 Ascanius Princeps cecidit quoę cuspide nostra:  
 Sed vitam supplex hic miser emeruit.  
 Romulidum reges, Albertus, Adolphus, & alter,  
 Non poterant nostras frangere Marte manus.  
 Viribus, o pietas, nostris sed terga dederunt,  
 Casareis opibus tunc ego dives eram.  
 Innumeri & nostro casi sunt ense Suevi,  
 Audentes patrios sollicitare deos.  
 Omnia sic vici, durum sed vincere fatum  
 Non potui, Lachesis quod dedit atra mihi.  
 Objicit illa mea crudelis pectora ferro,  
 Dum steteram cautus in medio Ecclesia.  
 Sic victor victus cecidi; virtute triumphos,  
 Et laudes meritas non rapit ulla dies.*

Obiit 8. Cal. Jan. Anno 1280.

Dantes Florentinus fecit.



## DRESDAE.

### SUB STATUA

#### HERCULIS.

**D**Ivo Maximiliano II. Imperatori Max. Cæs. Augusto,  
 ob desideratiff. illius adventum, Augustus Dux Saxo-  
 niæ Elector, gratulationis & observantiæ ergo fieri cura-  
 vit, ut heros inclytus sectam Calvinisticam in has terras  
 irreptam, & dissimulanter nutritam, Deo iuvante suo, &  
 opprimeret & vinceret: sicuti Lernam Hercules, numero-  
 sum licet monstrum, igne tandem vicit & mori docuit.

Aa v

MONETÆ FUNEBRIS IN OBITU ELECTORIS  
CHRISTIANI SAXONIS.

Sincerae in Deum & patriam fidei exemplo posteris re-  
lictæ: obiit xxv. Septembris, Anno M. D. xci.

JACTURAM OSTENDET DIES.



WIRZEBURGENSIA.

IN SUMMO TEMPLO.

Conrado à Thungen Episcopo Wirzburg. & Franciæ  
orientalis Duci, præcipua viro justitiæ, egregiæ eru-  
ditionis, temperantiæ singularis, acutissimiq; judicii, quæ  
primo statim susceptæ administrationis limite arreptum  
vesani hujus sæculi disfidium, seditio, & calumnia severi-  
ter diu & contumeliosè habitum, unâ cum Ecclesia eius,  
extremæ penè subjecissent interneconi, in DEO suffra-  
gante, adversus iniquissimæ fortunæ procellas vigili pru-  
dentia, infracta dexteritate, tolerantiaq; miranda gravi-  
ter superasset, æquiore seculo digniss. Vixit autem annos  
plus, minus LXXIII. Præfuit an. XXI. mens. III. d. x.  
Obiit XVI. Kal. Julii, Anno sal. M. D. XL. communi suo-  
rum mœrore & luctu. Ut umbra corporis comes: sic fa-  
scium cura, labor, ærumnæ, atq; mille pericula. Quæ stre-  
nuè utentem sequuntur undiq; , sed vincit ille cuncta qui  
fidit DEO.

AD TUMULUM MAURITII AB HUTTEN  
Episcopi Eystettensis, &c.

*Aspicis humana brevis ut sit linea vita,  
Ut dubias verset mors inopina vices.  
Fata manent quem vis, humili seu stirpe parentum,  
Sive sit à magnis nobilis ortus avis.  
Grandia nec prosunt vel pondera divitis auri,  
Lectæ vel in rubro gemmea gazæ mari.*